



LOURENSRIVIER GEMEENTE SE GEBEDSHART KLOP WARM!

Ons nooi almal uit om deel te word van ons Gebedsaksie. Enige iemand is welkom om elke Sondag-oggend saam te kom intree en voorbidding te doen vir leraars, gemeente, gemeenskap en nog meer.

Die Bidders kom elke Sondag voor die diens om 08:30 in die Raadsaal bymekaar, waar almal saam in gees voor die Here staan en so ook saam groei. Jy kan ook saam kom bid op 'n Woensdagoggend @ 09h00 in die kerk.

BINNEKORT gaan ons ook weer 'n Gebedstap hou na kerk,

so hou solank jou tekkies byderhand.....

Navrae: Joubert van Tonder @ 0829492045



VOEDSELFEESWA SE WIELE BEGIN ALWEER ROL....

Onthou jy nog? Ons Voedsel fees van 2017. Met dank aan ons Hemelse Vader, is daar met 'n groot poging, hardewerk, saamwerk en lekker lag die mooi bedrag van R103,731 ingesamel vir Sy Koninkryk.

Ons gemeente se voedsel feeswa word weer stadigaan uitgetrek en afgestof.....

Ons skop hierdie jaar af met 'n heerlike **AANSIT-ETE** op 23 Junie 2017. Ons wil dit 'n gesellige saamkuier maak met heerlike **Bobotie en Geelrys met groente asook smaaklike poeding vir slegs R50-00.**

Pak asb 'n mandjie met julle eie bord, poedingbakkie, eetgerei, glas en drinkgoed. Om die aand verder op te vrolik, wil ons prettige vermaak en verrassings ook optower.

Kontak asseblief die kerkkantoor (021 853 5991) vir kaartjies.

Indien jy nie die kaartjies kan kom afhaal nie, maak ons alternatiewe reëlings. Help ons asseblief om 'n sukses van die aand te maak!!! **KAARTJIES sal beskikbaar wees tot 15 JUNIE @ 12h00**

VERSOEK: Die wiele begin al rol met voorbereidings vir die Voedsel fees op 2 September.

Ons benodig sameroepers vir die volgende tafels asb:

- + Roosterbroodjies
- + Tradisionele geregte en slaaie
- + Kruie- en groenteplantjies

As daar van julle is, wat ons graag wil help, kontak asb vir:

Gerda de Villiers – 021-8547191 / 0824664766

Apolonia Maritz -021-8537560 / 0825077091

HUWELIKE EN VERHOUDINGS

Volgende week, vanaf 29 Mei - 4 Junie, hou ons 'n spesiale Pinkster Reeks in die gemeente, wat gelei word deur Dr Francois Hanekom.

Die tema is "My houding in my verhoudings."

Indien jy in enige verhouding staan - met jou huweliksmaat, jou vriend of vriendin, jou kinders, jou ouers, jou vriende, jou werkgewers of werknemers - dit beteken elkeen van ons, dan is hierdie tema net vir jou.



Maak nou reeds 'n aantekening om elke aand van 29 Mei tot 1 Junie om 19:00 asook Sondag, 4 Junie om 09:00 in die kerk te wees om te kom leer om te bou aan jou verhoudings.

Navrae: Willem & Annalie Botes (0836582154)

KERKNUUS UIT DIE OMGEWING

GORDONSBAAI UITREIK (NPO) is op soek na 'n bemerkingspersoon.

Belangstellendes kan CV stuur na: Epos: ngkgordonsbaai@absamail.co.za

Kontakpersoon : Sanette Strydom Tel : 021 8561654

NUUS UIT DIE GEMEENSAP



ACVV HUIS JAN SWART hou basaar op 27 Mei 2017 vanaf 09:00 tot 13:00. Op vooraf bestelling – skaap op die spit; baba-aartappels; patat en wortels/ertjies @ R60-00 per bord. Pannekoek; basaarpoeding; gebak; boereworsrolle; frankfurterrolle; brekfis buns; Kerrie en rys; kinder-, handwerk- en witolifant tafels.

Tee/koffie met skon of muffin. Kom geniet die oggend saam met ons!"

H van der Merwe, Hoof: ACVV Huis Jan Swart (021 854-3763)

HUIS PAM BRINK HOU SATERDAG, 3 JUNIE 2017 BASAAR OM 08:30

Spek en eierbroodjies te koop vanaf 07:00

Poeding, Pannekoek, Vars groente en vrugte, Wit olifanttafel, Handwerk, Tuisgebak, Konfyte, Kinder- en geskenktafel en vele meer. Braaivleis en pap, Viskoekies, asook wegneemetes: Kerrie & Rys, Boereworsrolle en Hoenderpasteie.

Kom drink saam met ons tee en smul aan ons pannekoek en geniet die dag saam met inwoners en personeel!! Ons begin al Vrydagmiddag, 2 Junie 2017 met heerlike Groenboontjebredie @ R30.00/350ml bakkie en Jaffels (kerrie en gewoon) @ R10.00 vir afhaal tussen 15:00 en 18:00.

Vir bestellings en navrae kontak Christine Combrink @ (021) 854-4579.

Vriendelike groete, Mev B V Louw (Bestuurder)

PRAATJIE @ STRAND DIENSSENTRUM, DE VILLIERSSTRAAT 30, STRAND

SPREKER : SUSAN VLOK VAN AVBOB

Op WOENSDAG, 7 JUNIE 2017 (09h30 vir 10h00)

Bring julle begrafnisboekies saam (die boekies kan tot meer as R10 000 werd wees!)

GRATIS TEE/KOFFIE



Die **STADSKOOR TYGERBERG** en die Symphonic Choir of Cape Town, span saam om hierdie grootse werk van Haydn uit te voer by twee geleenthede.

Daar is begeleiding deur 'n orkes en 3 soliste, met Alexander Fokkens as dirigent.

Die uitvoerings vind plaas op 1 Junie 2017 om 20:00 in die St George Katedraal en 10 Junie 2017 om 20:00 in die Endler, Stellenbosch.

Kaartjies is beskikbaar deur Computicket (hierdie skakels neem jou direk na die regte plek:

<http://bit.ly/HaydnCapeTown>

<http://bit.ly/HaydnStellenbosch>)

Vir gerief word die volgende skakels ook aangeheg:

<https://www.facebook.com/stadskoortygerberg>

<https://twitter.com/StadskoorTBerg>

<https://www.instagram.com/stadskoortberg>


<https://www.facebook.com/stadskoortygerberg/photos/a.976963435714984.1073741838.364182946993039/1440746289336694/?type=3&theater>

KNIEWERK:

- ✦ Ons bid vir buite seisoenale reën, vir SA en volkome toewyding aan Jesus Christus, ons Here. Dankie Heer vir die reën wat U reeds gestuur het!
- ✦ Kankerbehandeling: Paul Louw & Retha van der Westhuizen & Owen Wallis & Amanda Vosloo; Sannie le Roux; Annette Laten
- ✦ Christine Steenberg (herstel na operasie)
- ✦ Jan Volschenk herstel na operasie (infeksie opgedoen na operasie)
- ✦ Carel Smit in Spescare
- ✦ Anna vd Westhuizen (HJS) se gesondheid nie goed

TERUGVOERING/GEBEDSVERHORING:

Ons wil baie graag ook weet hoe dit gaan met almal vir wie ons bid. Hou ons asb op hoogte.



FOKUSTEKS VAN WEEK ASOOK SONDAG 21 MEI 2017: JOH 14:15-21

SESDE WEEK IN PAASTYD: Wat vra dit van jou / wat kos dit jou om God Drie-Enig te kry om in jou te kom woon? Jesus se eenvoudige antwoord is "liefde". (vs. 15)

In Jesus se prediking en in sy lewe, draai alles om liefde. Dit is met daardie doel – dat sy volgelinge vir Hom sal lief bly en sal doen wat Hy vra, dat Jesus vir hulle die "ander Voorspraak", die Heilige Gees, stuur. (vs. 16)

Die woord wat gebruik word: "Voorspraak", (in Grieks Parakletos) kan vertaal word met Helper, Pleitbesorger, Voorspraak (die een wat namens jou praat) of Advokaat. Soos wat 'n advokaat iemand in 'n hofsaak bystaan, bemoedig, troos en daarby sy saak bepleit en vir al sy belange sorg, so doen die Gees dit ook vir ons (Rom. 8:26 – 28).

In 'n taal wat in Midde Afrika gepraat word, het die Bybelvertalers gesukkel om hierdie woord "Voorspraak" te vertaal. Hulle het later die probleem opgelos gekry, toe hulle sien dat wanneer mense swaar vragte in die bos indra, daar altyd iemand is wat op daardie oomblik nie 'n vrag dra nie. Wanneer een van die draers te moeg geraak het en nie meer verder kon gaan nie, het hierdie persoon dadelik ingespring om sy vrag te dra. Hy is in daardie taal genoem: **"die een wat langs jou neerval en jou vrag optel wanneer jy nie meer kan nie."** Dit het vir hulle die woord geword waarmee hulle die woord "Voorspraak" vertaal het.

- Willem Botes -

Jackie@Lourensriver
OORGEE, OMGEE, AANGEE

